

**Ligj nr. 54/2019, datë  
18.7.2019  
“Për nismën ligjvënëse të  
zgjedhësve në RSh”**

Një udhëzues i shkurtër

QNL

Tiranë, më 21 Nëntor 2019

# Qëllimi i Ligjit (neni 1)

- ▶ Nisma ligjvënëse e zgjedhësve synon
- ▶ përfshirjen e shtetasve në proceset vendimmarrëse
- ▶ nëpërmjet propozimit të projektligjeve.

# Objekti i ligjit (neni 1)

- ▶ Ky ligj vendos procedurat për ushtrimin e nismës ligjvënëse të zgjedhësve në Republikën e Shqipërisë, të sanksionuar nga Kushtetuta e Republikës së Shqipërisë.
- ▶ Kjo procedurë përdoret vetëm për nismën ligjvënëse dhe nuk mund të përdoret për nisma të tjera, p.sh., jo për petitionet.

# Parimet themelore (neni 4)

- ▶ **Parimi i barazisë dhe mbrojtja nga Diskriminimi.**
- ▶ *Ndalohet çdo lloj kufizimi për të marrë pjesë në procesin e propozimit të projektligjeve, bazuar në legjislacionin në fuqi për mbrojtjen nga diskriminimi.*

# Parimi i respektimit të të drejtave të Njeriut.

- ▶ Procesi i nismës ligjvënëse zhvillohet në respektim të të drejtave të njeriut,
- ▶ në mënyrë të veçantë të së drejtës për t'u organizuar lirisht,
- ▶ të lirisë së shprehjes dhe lirisë së shtypit,
- ▶ lirisë së lëvizjes brenda territorit të Republikës së Shqipërisë,
- ▶ si dhe të së drejtës për t'u informuar.

# Subjektet që mund të ushtrojnë nismë ligjvënëse (neni 4).

- ▶ Çdo zgjedhës mund të marrë pjesë dhe gëzon të drejta të barabarta në procesin e nismës ligjvënëse.
- ▶ nisma ligjvënëse mund të ndërmerret nga individë ose grupe individësh
- ▶ Në çdo rast, nënshkruhet nga jo më pak se 20 000 zgjedhës, në përputhje me procedurat e parashikuara në këtë ligj.

# Hartimi i nismës ligjvënëse

- ▶ Projektligji që propozohet në Kuvend hartohet në përputhje me Kushtetutën, rregullat e përcaktuara në Rregulloren e Kuvendit të Shqipërisë, si dhe standardet ligjore për hartimin e akteve normative.
- ▶ Kuvendi e shqyrton nismën ligjvënëse të zgjedhësve në përputhje me parashikimet e Rregullores së Kuvendit.
- ▶ Në rastin e mosmiratimit nga Kuvendi, nisma ligjvënëse mund të paraqitet përsëri për t'u shqyrtuar në Kuvend,
- ▶ por jo më parë se 6 muaj nga data e mosmiratimit.

# Përfaqësia / Komiteti Përfaqësues i nismës ligjvënëse është përgjegjës për: të zgjedhësve (neni 6)

- ▶ fillimin dhe mbarëvajtjen e të gjithë procesit të nismës ligjvënëse të zgjedhësve;
- ▶ koordinimin dhe komunikimin me institucionet përgjegjëse;
- ▶ respektimin e plotë të së drejtës së zgjedhësve për t'u informuar;
- ▶ përfaqësimin e interesave të iniciatorëve në raport me të tretët.



# Vijon...

- ▶ Në emër të nismëtarëve të nismës ligjvënëse, paraqet përpara Kuvendit të Shqipërisë projektligjin, të cilin mund ta tërheqë përpara miratimit në parim në seancë plenare.
- ▶ informon publikun për qëllimin dhe përmbajtjen e nismës, aktivitetet publike që do të zhvillohen për njohjen e nismës, rregullat e organizimit të përfaqësuesve të nismës dhe mbështetësve të saj, si dhe çdo informacion tjetër që gjykohet i nevojshëm për informimin e publikut.

# Publikimi. Transparenca.

- ▶ mund të publikojë në faqen zyrtare të nismës, ose në mjete të tjera të informimit publik, listat e grupeve të mbledhjes së nënshkrimeve, vendet përkatëse të mbledhjes së tyre, si dhe të dhënat që përmbajnë fletët tip të miratuara nga Komisioni Qendror i Zgjedhjeve për mbledhjen e nënshkrimeve, sipas nenit 10 të këtij ligji.
- ▶ Kujdes Konfidencialitetin!

# Privacy (neni 10/6)

- Të dhënat e plotësuara nga zgjedhësit në fletën për mbledhjen e nënshkrimeve përbëjnë të dhëna personale dhe mbrohen sipas legjislacionit në fuqi për mbrojtjen e të dhënave personale.

# Financimi (neni 7)

- ▶ Shpenzimet për përgatitjen e fletëve të mbledhjes së nënshkrimeve, si dhe për mbledhjen e nënshkrimeve të zgjedhësve përballohen nga përfaqësia/komiteti përfaqësues i nismës ligjvënëse.
- ▶ Nismëtarët përcaktojnë paraprakisht mënyrën e mbulimit të shpenzimeve, sipas pikës 1, të këtij neni, si dhe të çdo shpenzimi tjetër të nevojshëm për nismën ligjvënëse, nëpërmjet memorandumeve të bashkëpunimit.
- ▶ Burimet dhe masa e financimit të nismës ligjvënëse bëhen periodikisht publike në faqen zyrtare të nismës dhe raporti përfundimtar i financimit të nismës publikohet jo më vonë se dita kur nisma depozitohet në Kuvend.

# Caktimi dhe miratimi i mjediseve për mbledhjen e nënshkrimeve

(neni 8)  
Mbledhja e nënshkrimeve për një nismë ligjvënëse bëhet në mjedise publike ose private, të cilat caktohen me vendim të kryetarit të njësisë përkatëse të vetëqeverisjes vendore, me propozim të përfaqësisë/komitetit përfaqësues të nismës.

- ▶ Në rast se kryetari i njësisë së vetëqeverisjes vendore nuk merr vendim brenda afatit të përcaktuar në pikën 4, të këtij neni, mjediset për mbledhjen e nënshkrimeve përcaktohen nga përfaqësia/komiteti përfaqësues i nismës.

## Grupet e mbledhjes së nënshkrimeve (neni 9)

- ▶ Grupet e mbledhjes së nënshkrimeve përbëhen nga jo më pak se dy anëtarë, të cilët caktohen nga përfaqësia ose komiteti përfaqësues i nismës, sipas rregullave të parashikuara në memorandumet e bashkëpunimit të nënshkruara për këtë qëllim.

# Fletët për mbledhjen e nënshkrimeve (neni 10)

- ▶ Përfaqësia/Komiteti përfaqësues i nismës ligjvënëse të shtetasve paraqet në Komisionin Qendror të Zgjedhjeve një kërkesë me shkrim për pajisjen me fletët tip të mbledhjes së nënshkrimeve.
- ▶ Komisioni Qendror i Zgjedhjeve miraton me vendim, brenda 15 ditëve nga paraqitja e kërkesës, sipas pikës 1, të këtij neni, modelin e fletës tip të mbledhjes së nënshkrimeve dhe e publikon atë në faqen zyrtare të internetit të KQZ-së, në një format të shkarkueshëm.

# Nënshkrimi

- Anëtarët e grupit të mbledhjes së nënshkrimeve sigurohen që qytetarët të nënshkruajnë vetëm një herë dhe vetëm pasi të kenë plotësuar informacionin e kërkuar në pikën 3 të këtij neni.



# Aftësia e kufizuar

- ▶ Nëse për shkak të pamundësisë fizike një zgjedhës nuk mund të nënshkruajë, një anëtar i familjes ose një person që e asiston nënshkruan fletën në prani të tij, sipas udhëzimeve të dhëna prej tij.
- ▶ Në këtë rast, nga grupi i mbledhjes së nënshkrimeve mbahet një procesverbal i veçantë ku evidentohet rasti, nënshkruhet prej tyre dhe depozitohet në Komisionin Qendror të Zgjedhjeve, së bashku me fletën tip të mbledhjes së nënshkrimeve.

# Procedura të veçanta (neni 11)

- ▶ Procedura për arsye shëndetësore,
- ▶ Procedura në institucionin e sigurisë.
- ▶ Procedura për zgjedhësit që ndodhen jashtë territorit shqiptar;

# Mbledhja e nënshkrimeve elektronike (neni 12)

- ▶ Mbledhja e nënshkrimeve në mënyrë elektronike kryhet në përputhje me legjislacionin në fuqi për nënshkrimin elektronik, dokumentin elektronik dhe atë për identifikimin elektronik dhe shërbimet e besuara.
- ▶ Në mbledhjen e nënshkrimeve elektronike respektohen, për aq sa është e mundur, kërkesat e pikës 3, të nenit 10, të këtij ligji, për të dhënat që duhet të përmbajë fleta tip e mbledhjes së nënshkrimit.

# Afati për mbledhjen e nënshkrimeve (neni 13)

- ▶ Komisioni Qendror i Zgjedhjeve, brenda 15 ditëve nga paraqitja e kërkesës me shkrim të përfaqësisë/komitetit përfaqësues të nismës për pajisjen me fletët tip për mbledhjen e nënshkrimeve, përcakton me vendim (me propozim të përfaqësisë/komitetit përfaqësues), periudhën kohore gjatë së cilës zhvillohet procesi i mbledhjes së nënshkrimeve, në vendet publike dhe private, si dhe i nënshkrimeve elektronike.

# Depozitimi i fletëve të nënshkrimeve

- ▶ Fletët e mbledhjes së nënshkrimeve depozitohen në Komisionin Qendror të Zgjedhjeve nga përfaqësia/komiteti përfaqësues i nismës, jo më vonë se pesë ditë pas përfundimit të procesit të mbledhjes së tyre, së bashku me dokumentacionin shoqëruar

# Verifikimi i Nënshkrimeve (neni 14)

- ▶ Komisioni Qendror i Zgjedhjeve verifikon nënshkrimet, brenda 30 ditëve nga depozitimi i tyre,
- ▶ Në rast të mospërputhjes të informacionit që përmbajnë fletët e nënshkrimeve, Komisioni Qendror i Zgjedhjeve ia kthen fletët përfaqësisë/komitetit përfaqësues të nismës, me qëllim korigjimin e tyre brenda 20 ditëve nga dita e kthimit.

# Vendimi i KQZ

- ▶ regjistron nismën ligjvënëse të zgjedhësve;
- ▶ cakton një afat kohor për plotësimin ose korigjimin e pasaktësive të nënshkrimeve;
- ▶ refuzon regjistrimin e nismës vetëm në një rast: nëse nga verifikimi rezulton se numri i nismëtarëve që kanë mbështetur nismën, duke depozituar identitetin dhe firmat e tyre, është më i vogël se 20 000 zgjedhës.

# Depozitimi i nismës ligjvënëse në Kuvend (neni 15)

- ▶ Projektligji i plotë,
- ▶ së bashku me relacionin që përshkruan dhe analizon qëllimin që kërkon të arrijë dhe që përligj shpenzimet financiare për zbatimin e tij,
- ▶ si dhe vendimi i Komisionit Qendror të Zgjedhjeve për regjistrimin e nismës ligjvënëse të zgjedhësve
- ▶ depozitohen në Kuvendin e Shqipërisë nga përfaqësia/komiteti përfaqësues i nismës,
- ▶ sipas procedurave të përcaktuara në Rregulloren e Kuvendit.



# Ankimi ndaj vendimit të Komisionit Qendror të Zgjedhjeve

- ▶ Kundër vendimit të Komisionit Qendror të Zgjedhjeve për refuzimin e regjistrimit të fletëve të nënshkrimeve ose për refuzimin e regjistrimit të nismës, përfaqësia/komiteti përfaqësues i nismës mund të paraqesë ankim në gjykatën administrative.
- ▶ Komisioni Qendror i Zgjedhjeve gjykon shkeljet administrative, sipas procedurave të parashikuara në Kodin e Procedurave Administrative
- ▶ Vendimet e Komisionit Qendror të Zgjedhjeve mund të ankimohen në gjykatën administrative.

# Sanksionet

- ▶ Shkelja e procedurave dhe afateve që lidhen me mbledhjen e nënshkrimeve dhe regjistrimin e nismës nga personat përgjegjës përbën kundërvajtje administrative dhe dënohet me gjobë nga 50 000 deri në 100 000 lekë.
- ▶ Kur personat e ngarkuar nga ky ligj me mbledhjen e nënshkrimeve përfshijnë të dhëna të rreme, mbajnë përgjegjësi penale në bazë të dispozitave të Kodit Penal.

# Falenderime

- ▶ Ju faleminderit!